

Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Secvndæ Secvndæ Partis Volumen Secundum

Thomas <von Aquin, Heiliger>

Romae, 1619

Cui virtuti opponatur, vtrum scilicet religioni? 3

urn:nbn:de:hbz:466:1-38762

¶ 1 *Vtrum tentatio Dei opponatur virtuti religionis?*

Ad tertium sic proceditur. Videtur quod tentatio Dei non opponatur virtuti religionis. Tentatio enim Dei habet rationem peccati ex hoc quod homo de Deo dubitat, ut dictum est. Sed dubitare de Deo pertinet ad peccatum infidelitatis, quod opponitur fidei. Ergo Dei tentatio magis opponitur fidei, quam religioni.

¶ 2 *Præterea, Eccles. 18.* dicitur, Ante orationem præpara animam tuam, & noli esse quasi homo, qui tentat Deum. Vbi dicit glossa interlinearis, Qui scilicet tentans Deum, orat quod docuit, sed non facit quod iussit. Sed hoc pertinet ad præsumptionem, quæ opponitur spei. Ergo videtur, quod tentatio Dei sit peccatum oppositum spei.

¶ 3 *Præterea, Super illud Psal. 77.* Et tentauerunt Dei in cordibus suis, dicit glossa quod tentare Deum est dolosè postulare, ut in verbis sit simplicitas, cù sit in corde malitia. Sed dolus opponitur virtuti veritatis. Ergo tentatio Dei non opponitur religioni, sed veritati. SED contra est, quod sicut ex prædicta glossa habetur, Tentare Deum est inordinate postulare. Sed debito modo postulare, est actus religionis, ut supra habitum est. Ergo tentare Deum est peccatum religioni oppositum.

RESPONDEO dicendum, quod sicut ex supradictis patet, finis religionis est, Deo reverentiam exhibere. Vnde omnia illa quæ directè pertinent ad irreuerentiam Dei, religioni opponuntur. Manifestum est autem quod tentare aliquem, ad irreuerentiam eius pertinet. Nullus enim præsumit tentare eum, de cuius excellētia certus est. Vnde manifestum est, quod tentare Deum est peccatum religioni oppositum.

Ad primum ergo dicendum, quod sicut supra dictum est, ad religionem pertinet protestari fidem per aliqua signa ad diuinam reverentiam pertinente.

519

art. prec.

*gl. inser-
lin. ibid.*

*Ps 77. gl.
interlin.
ibidem*

*in argu.
prec.
q. 8. a. 3.
C 47-*

*q. 84. a. 1.
2. C 4.*

q. 81. a. 7.

Et ideo ad irreligiositatem pertinet quod ex incertitudine fidei homo aliqua faciat, quæ ad diuinam irreuerentiam pertinent, cuiusmodi est tentare Deum: & ideo est irreligiositatis species.

Ad secundum dicendum, quod ille qui ante orationem animam suam non præparat, dimitendo, si quid aduersum aliquem habet, vel alias ad deuotionem se non disponendo: non facit quod in se est, ut exaudiatur à Deo: & ideo quasi interpretatiuē tentat Deum. Et quamvis huiusmodi interpretatiuā tentatio videatur ex præsumptione, seu indiscretione provenire; tamen hoc ipsum ad irreuerentiam Dei pertinet, ut homo præsumptuosè, & sine debita diligentia se habeat in his quæ ad Deum pertinent. Dicitur enim 1. Petr. 5. Humiliamini sub potenti manu Dei. Et 2. ad Timoth. 2. Solicite cura, te ipsum probabilem exhibere Deo. Vnde etiam huiusmodi tentatio, irreligiositatis species est.

Ad tertium dicendum, quod in comparatione ad Deum, qui nouit cordis abscondita, non dicitur aliquis dolosè postulare, sed per respectum ad homines. Vnde dolus per accidens se habet ad tentationem Dei. Et propter hoc non oportet quod tentatio Dei directè opponatur veritati.

ARTIC. IV.

Vtrum tentatio Dei sit grauius peccatum quam supersticio?

320

Ad quartum sic proceditur. Videtur, quod tentatio Dei sit grauius peccatum quam supersticio. Maior enim pena pro maiori peccato infertur. Sed grauius est punitum in ludis peccatum tentationis Dei, quam peccatum idolatriæ, quod tamen est præcipuum inter superstitiones: quia pro peccato idolatriæ imperfecti sunt ex eis tria millia hominum, ut legitur Exodi trigesimo secundo; pro peccato autem tentationis omnes vniuersaliter in deserto perierunt, terram promissionis non intrantes: secundum illud Psal. 94. Tentauerunt me patres vestri. Et postea subditur,